



3. juni 2025

Inatsisartut suleriaasianni § 37 imm. 1 naapertorlugu Naalakkersuisunut apeqquteqaat imaattoq matumuuna saqqummiuppara.

Naalakkersuisunut apeqqutit:

- 1. Naalakkersuisut pisortat suliffissaannik nittarsaassinissamut atortussamik ujartuinnerminni tamanut ammasumik suliarinnittussarsiorsimappat?**
 - a. Taamaappat, unammilleqatigiinnissaq pillugu suliariumannittussarsiorneq qaqugukkut pisimava aamma suut piumasaqaatitut tunaartaralugit tamanna pisimava?**
- 2. Nittarsaassivissap nutaap toqqarnerani, qanoq atuisunut atoruminartuunera kalaallisullu oqaaseqartunit atorineqarsinnaanera pillugit innimittartoqarsimava, tassami kalaallisut allassimasut takussaangillat?**
- 3. Oqaatsuvut atorlugit atorineqarsinnaasoq qaqugu periarfissaalissasoq Naalakkersuisut naatsorsuutigaat?**
- 4. Naalakkersuisut isumaqarpat pisortani suliffissat pillugit nittarsaassinermi siunertaasoq inatsisillu naapertorlugit pisussaaffiit naammassineqarsimasut, kalaallisut oqaasillit ikinngitsut nittarsaassivik atuarsinnaanagulu atorsinnaangippassuk?**
- 5. Naalakkersuisut qanoq naliliippat, allannguut taanna politikikkut anguniakkanut naapertuunnersoq aamma pisortat ingerlatsineranni kalaallisut oqaatsit tamanit atorineqarsinnaanissaanut siunertamut pissusissamisoortussamullu sanilliussigaanni?**

(Inatsisartunut ilaasortaq Lars Poulsen, Siumut)

Tunngavilersuut:

Naalakkersuisut apriliip 23-anni 2025-mi nalunaarutigaaq sulig.gl, ukiuni kingullerni nunatsinni pisortanit namminersortunillu suliffissanik nittarsaasivittut qitiulluni atorineqartarsimasoq, jobindex.dk-mik taarserneqassasoq. Ilisimasat naapertorlugit ikaarsaariarnermut innuttaasut qanoq ingerlatsisoqarsimaneranik, tunngavilersuuteqartoqarsimaneranik aamma piumasaqaatitarsuisimanernik ilisimatinneqarsimanngillat, aamma suliariumannittussarsiortoqarsimanera pillugu tassungalu atatillugu suut piumasaqaataasussaananerani tunngassuteqartutigit. Pisimasumut tunngatillugu apeqquusernarsivoq ammasumik ingerlatsisoqarsimanersooq aamma periuserineqartut pisortat pisiniartarnerannut tunngatillugu maleruagassanut naapertuuttumik ingerlanneqarsimanersut.



Ilutigisaanik paasinarsivoq nittarsaassivittut atorneqalersoq, jobindex.dk, kalaallisut allassimasuuteqanngitsoq. Pissutsit tamakku kinguneraat nalorninartorsiornarsimmat, innuttaasut kalaallisut oqaasillit suliffissatut nittarsaanneqartut pillugit assigiimmik periarfissaqartinneqarnersut, aamma pisortat nittarsaassisussaataitanerannut pisussaaffittut aalajangersakkat ilumut eqquutinneqarsimanersut.

Allannguut taanna kalaallisut nittarsaassiviunngitsoq pillugu tunngaviusunik apeqqutininik arlalinnik pilersitsivoq – oqaatsitigut naligiimmik pineqarnissaq, pisortat sullissinerannut assigiimmik pineqarnissaq aamma pisortat sullissiviini kalaallisut oqaatsitta pingaarnerutinneqarnissaanut tunngasut pillugit. Tamatumunnga atatillugu pissusissamisoorpoq Naalakkersuisunut apeqqutigissallugu, taamak aalajangersimaneq aamma kalaallit oqaasiisa inuiaqatigiinni pingaarnerunissaanik politikikkut siunertalersuisimaneq, uani suliami qanoq naapertuuttumik ataqatigiissinneqartumillu ingerlanneqarsimanersut.

Apeqqutigineqartut ullut suliffiusut qulit iluanni akeqquneqarput.